

nibus crebre fixa recipiens in se quod minus habet
 in corpore liquoris, permanet immortalis ad aeterni-
 tatem, & sustinet immania pondera structurae, & si-
 ne uitis conseruat. Ita quae non potest extra terram pau-
 lum tempus durare, ea in humore obruta permanet
 ad diurnitatem. Est autem maxime id considerare
 Rauēne, quae ibi omnia opera & publica & priuata sub
 fundamentis eius generis habeant palos. Ulmus ue-
 ro & fraxinus maximos habent humores, minimūque
 aeris & ignis, terreni temperata mixtione compara-
 ta, sunt in operibus cum fabricantur lentae & sub po-
 dere propter humoris abundantiam non habent ri-
 gorem, sed celeriter pandant, simul autem uetustate
 sunt aridae factae aut in agro perfectae, qui inest eis li-
 quor stantibus, emoritur, fiuntque duriores, & in co-
 missuris & in coagmentationibus ab lentitudine fir-
 mas recipiunt catenationes. Item Carpinus quae est mi-
 nima ignis & terreni mixtione, aeris autem et humo-
 ris summa continetur temperatura, non est fragilis,
 sed habet utilissimam tractabilitatem. Itaque graeci quae
 ex ea materia iuga iumentis comparant, quod apud
 eos iuga, *ϋτ* & uocantur, item & eam *ϋτ* & *ε* ap-
 pellant. Non minus est admirandum de cupressu &
 pinu, quae habentes humoris abundantiam aequamque
 ceterorum mixtionem, propter humoris satietatem
 in operibus solent esse pandae, sed in uetustatem sine
 uitis conseruantur, quae is liquor, qui inest penitus in
 corporibus earum habet amarum saporem, qui pro-
 pter acritudinem non patitur penetrare cariem, neque
 eas bestiolas, quae sunt nocentes. Ideoque quae ex his ge-

uolū Jointures